

**Ilay Voa Tsara Nafafy 20
0ktobra 2020**

20

Talata
oktobra

Andriamanitra, Rain'i Jesosy Kristy Tompontsika ... nitera ka antsika indray araka ny haben'ny famindrampony, ho amin'ny fanantenana velona, tamin'ny nitsanganan'i Jesosy Kristy tamin'ny maty.

1 Petera 1. 3

Afaka manantena andro iainana tsara kokoa ve ?

Isika mino an'Andriamanitra, Izay maneho ny tenany ao amin'ny Baiboly. Ankehitriny nefà dia rijan-kevitra no asolon'olona maro ny maha tena misy Ilay Andriamanitra Mpahary, ambonin'izao tontolo rehetra izao. Koa tsy tokony ha-hagaga raha miha tafalatsaka kokoa hatrany anaty fidalasala-na sy karazam-pinoana tsy tambo isaina izao tontolo izao. Tsy afaka hitondra amina fanantenana mitombina sy mafy orina, na dia ireo rindran-kevit'r'olombelona tsara volavola indrin-dra aza. Manoloana ny toejavatra marobe mampalahelo an-kehitriny, ary mitera-pahavoazana mihitsy aza, dia mipetraka ny fanontaniana hoe : Mbola afaka manantena andro iainana tsara kokoa ve ? Ao anatin'izao tontolo mikorontana sy feno tebiteby izao, avy aiza no mety hiaviana fanafana, mba haha-zoana toky sy hampitony ?

Ny Baiboly irery no hany mitondra fahazoana antoka tena marina ho an'ny olona, manoloana ny fikorontanan-tsaina mihanaka. Io boky io, izay eken'ny olona an-tapitrisany, dia mampiseho amintsika ny avonavona sy fahantran'ny olombe-lona, sady koa maneho ny fahalehibeazan'Ilay Andriamanitra Mpahary sy ny fitiavany ny olona rehetra (1 Timoty 2. 4). Nitia fatratra ny voariny Andriamanitra, ka naniraka ny Zanany La-hitokana teto amin'izao tontolo izao, mba hamonjy azy (Jaona 3. 16). Tsy araka ny fihevitra miely aoka izany, fa ny finoana kristiana ambaran'ny Baiboly dia tsy fivavahana tahaka ny fi-vavahana hafa, na anisan'ireo fivavahana misy. Ny Baiboly dia mampahafantatra ny Filazantsara amin'ny olombelona very, ny Filazantsara izay „herin'Andriamanitra” (Romana 1. 16), hany afaka mitondra fahazoana antoka sy fiadanana. Jesosy Kristy dia tsy lehiben'antokom-pivavahana, fa fanam-barana mivantana Ilay Andriamanitra tokana, Ilay Andriama-nitra velona. Niteny Jesosy hoe : „Izay nahita Ahy, dia nahita ny Ray (Andriamanitra)” (Jaona 14. 9). Raha miaraka aminy, dia tsy mba fanantenana manjavozavo no ananana, fa faha-zoana antoka hiaina andro tsara kokoa.